

Representante di Cas Blanco na Museo Arqueologico



ORANJESTAD - Museo Arqueologico Nacional Aruba a haya un grato sorpresa ora Sra. Shellie Pfohl a haci un bishita na Museo na Schelpstraat. Sra. Pfohl ta e director ehecutivo di e "President's Counsel on Fitness, Sports and Nutrition" di Presidente di Merca Barack Obama y ta esun a cargo di e programa "Let's Move" di primera dama di Merca Sra. Michelle Obama. Sra. Pfohl tabata na Aruba relaciona cu e "Panamerican Conference on Childhood Obesity" organisa pa Ministerio di Salubridad y Deporte. E bishita na Museo ta den cuadro di e plannan di Museo Arqueologico pa dedica nan programa di vakantie 2011 na e tema 'Let's Move Museums & Gardens', cual tema a ser anuncia pa Sra. Obama na luna di mei ultimo durante e conferencia di Asociacion di Museonan Americano (AAM). E programa di vakantie 2011 lo incorpora actividad fisico manera por ehempel baile cu actividad riba tereno di nutricion, arte, naturaleza etc. Pa prepara y



ehecuta e programa aki lo acerca varios otro institucion, partnernan importante di Museo Arqueologico. E pensamiento tras di e tema 'Let's Move Museums & Gardens' ta pa involucra esunnan cu ta bishita museonan, parkenan y otro instancianan similar den e pensamiento di biba mas saludabel y den un forma mas sostenibel. Por bisa cu Sra. Shellie Pfohl a keda sorprendi cu Museo Arqueologico y cu e plan pa e programa vacacional. Sra. Pfohl a ser acompaña durante su bishita pa Sra. Chanin Boekhoudt, consehero di Ministerio di Salubridad y Deporte. □